

Angkasa mahu perkasa wanita, belia

BATU PAHAT : Angkatan Koperasi Kebangsaan Malaysia Berhad (Angkasa) berhasrat perkasa golongan wanita dan belia dalam pertumbuhan berkenaan.

Presidennya, Datuk Abdul Fattah Abdullah berkata, perancangan berkenaan dijangka beri manfaat kepada lebih kurang 51 peratus ahli pertumbuhan terbabit yang berjumlah 6.5 juta.

Katanya, antara perkara yang dilaksanakan ialah melantik golongan berkenaan dalam kumpulan pembuat dasar berbanding menjadi ahli biasa, sekali gus bagi memastikan Angkasa terus relevan.

Menurutnya, kebanyakan ahli wanita dan belia ini hanya menjadi ahli sahaja tetapi tidak aktif

"Ketika ini pembuat dasar Angkasa majoritinya adalah ahli senior yang terdiri daripada golongan lelaki.

"Dengan adanya perancangan ini golongan berkenaan turut berpeluang untuk bersuara serta terlibat dalam jawatankuasa pertumbuhan berkenaan.

"Sebab itulah perlu untuk



Abdul Fattah (dua,kiri) menyampaikan cenderamata kepada ahli yang hadir ke program berkenaan.

mengangkat golongan wanita, belia dan kaum minoriti ke peringkat pembuat dasar," katanya.

Beliau berkata demikian ketika menghadiri Persidangan Angkasa Peringkat Negeri Johor di Universiti Tun Hussein Onn Malaysia (UTHM).

Hadir sama, Pengurus Besar Bahagian Komunikasi Korporat Angkasa, Borhan Mat Aris.

Beliau yang juga Ahli Lembaga Mesyuarat Lembaga Ikatan Koperasi Antarabangsa

(Rantau Asia Pasifik) berkata, individu yang dilantik akan membantu Angkasa merangka dasar dan pelan yang lebih efektif.

Dalam pada itu, Abdul Fattah berkata, Angkasa telah diberi tanggungjawab untuk membangunkan satu sistem ekonomi digital koperasi bagi rantau ini.

"Dalam projek berkenaan Angkasa akan menerajui satu sistem yang membolehkan usahawan koperasi memasarkan produk mereka ke serata dunia," katanya